

# BATAKURU YUUHANNA TAMMURU NDUN

**1** <sup>1</sup> Salminaango an min oo ardotoodo, haa e maa an oo yidaado an Gayuusi, mo mi yidi e nder goonga.

<sup>2</sup> Gido an, e nooneji din fow mido yelani-maa moyyere e cellal bandu, wano wonkii maa kin selliri non. <sup>3</sup> Mi weltike fota, fewndo musibbe goo ari, be seeditii fii ko humidaa e goonga on kon e ko wuurirdaa goonga on kon. <sup>4</sup> Mi alaa weltaare mawnde buri nanugol no wi'ee wonde faybe anben no jokki goonga on.

<sup>5</sup> Gido an, hida wadirde no feewiri e nder ko wonda wadande musibbe ben kon, hay be a andaa ben. <sup>6</sup> Be seeditike fii giggol maa ngol yeeso \*moftal ngal. Haray a wadii ko moyyi si a faaborii be ko haani e nder yaadu mabbe ndun, hara ko noone no welirta Alla, <sup>7</sup> bay ko fii innde \*Almasihu on be yahi, e baawo hendagol hay huunde e juude be gomdinaa ben. <sup>8</sup> Hiden haani jabbaade sifa ben yimbe, fii no gollidiren e mabbe fii goonga on.

<sup>9</sup> Mi windanii moftal ngal kongudi seeda, kono oo wi'eteedo Diyoteriifa, yidudo wonude arano e hakkunde mabbe on, jabanaa men. <sup>10</sup> Kodun wadi, nde mi aroyi, mi humpitoyay on fii kuude makkoden, kongudi bondi di o woni no'ude men din. Nde tawnoo dun yonanaali mo, o salii wernude musibbe ben, o fannani faalaabe wadude dun ben kadi, o radii be ka moftal.

<sup>11</sup> Awa yo gido an, wota a jembu ko boni, kono jembu ko moyyi. Kala on wadudo ko moyyi, haray ko mo Alla, kala non on wadudo ko boni, haray andaali Alla. <sup>12</sup> Yimbe ben fow no joganii Dimitiriyuusa kongol moyyol, hay goonga on tigi, menen kadi meden seeditanaade mo dun. Hida andi-le seeditoore amen nden ko goonga.

<sup>13</sup> Mido mari buy ko mi windane, kono mi faalaaka wadirde dun ndaha e karambol. <sup>14</sup> Mido tanyinii yi'itugol ma ko woddaa, onsay en yewtiray hunduko.

<sup>15</sup>Yo buttu wonane.Yiɓɓe ben salminii ma, min kadi mi salminirii yiɓɓe ben gooto gooto.

---

**TROISIÈME ÉPÎTRE DE JEAN**

en Langue Pular (Fouta-Jalon)

*République de Guinée*

© 2013 Traducteurs Pionniers de la Bible

en collaboration avec

Mission Protestante Réformée